


# KOMMUNIMUT PILERSAARUMMUT TAPILIUSSAQ 3B4-1

## Pukuffiup eqqaani inuussutissasiuteqarfik, Nuuk

Februaari 2018



KOMMUNEQARFIK SERMERSOOQ  
Sanarfinermut Avatangiisinullu Ingerlatsivik  
Forvaltning for Anlæg og Miljø

## **Kommunimut pilersaarummut tapiliusseq sunaava?**

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik Pilersaarusionermut inatsit naapertorlugu (Pilersaarusionerq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigit malinnaatitsissalluni. Taamatut malinnaatitsisarneq isumagineqartuarterpoq kommunimut pilersaarummut allannguutissanik imaluunniit ilanngussassanik pisariaqartunik tapiliussassaqaqartillugu.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Tamatuma saniatigit Kommunalbestyrelse sukumiisumik aalajangersagartalimmik kommunimut pilersaarummut tapiliortussaataitaavoq:

- Nuna tamakkerlugu pilersaarusionerup kommunillu pilersaarusionerata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinginnermi.
- Sanaartukkanik anginerusunik pingaaruteqarnerusunilluunniit ingutserilinginnermi.

Kommunimut pilersaarummut tapiliusseq marlunnik immikkoortortaqaqpoq, **nassuiaat** aamma **maleruaqqusanut** tunngasut.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaat allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigit nunap assingi ilanngussat attuumassuteqartut, aalajangersagartaaniipput.

## **Tamanut nalunaarut**

Kommunimut pilersaarummut tapiliusseq 3B4-1 inaarutaasumik atuutilersutut tamanut nalunaarutigineqarpoq ulloq 14.03.2018.

**Kommuneqarfik Sermersooq**  
**Sanarfinermut Avatangiisinullu Ingerlatsivik**  
**Postboks 1005**  
**3900 Nuuk**

## **Pilersaarut sumi atuarneqarsinnaava?**

Pilersaarut Nunatta Atuagaateqarfiani imaluunniit kommunip nittartagaani [www.sermersooq.gl-imi](http://www.sermersooq.gl-imi) atuarneqarsinnaavoq, kommunip innuttaasunut sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

**IMARISAI**


<b>1</b>	<b>NASSUIAAT</b>	<b>4</b>
	1.1 PILERSAARUSIORFIK	4
	1.2 SIUNERTAA TUNNGAVIILU	5
	1.3 PISSUTSIT ATUUTTUT	5
	1.4 PILERSAARUMMI PINGAARNERIT	5
	1.5 PILERSAARUMMUT TAPILIUSSAP INATSISITIGUT ATUUFFII	6
<b>2</b>	<b>AALAJANGERSAKKAT</b>	<b>7</b>
	2.1 PINGAARNERTUT AALAJANGERSAKKAT	7
	2.2 AALAJANGERSAKKAT SUKUMIISUT	9
<b>3</b>	<b>AKUERSINERMUT UPPERNARSAAT</b>	<b>12</b>
<b>4</b>	<b>ASSI ILANNGUSSAQ</b>	<b>13</b>

## 1 NASSUIAAT

Una tapiliusseq immuni kommunimut pilersaarummut tapiliusseq 37-saat uunga "Nuummur pingaarnertut aqqissuusseq nutaaq"-mut pilersaarummut ilanngunneqarpoq. Kommunip pilersaarutaanut tapiliusseq 37-ni nunaminertat tamarmik pilersaarummut Nuuk City Developmentimut (NCD) ilaapput, aamma nunaminertat tunniunneqartut kommunip illoqarfimmik ineriartortitsinermut suliniutaanut toqqaannartumik tunniunneqarlutik. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermut peqatigiiffiusunik atornerqarsinnaavoq siunertanut pisortatigoortumik atugassatut siunertanulluunniit namminersortunit atugassatut.

### 1.1 PILERSAARUSIORFIK

Immikkoortoq tamanna illoqarfiup ilaani Quassussuup Tungaani inissisimavoq Pukuffimmi inuussutissarsiteqarfimmut uiggiullugu. Immikkoortup kimmur Pukuffik killigivaa, qitiusoqarfik nutaaq 2C4-3 kujammur killigalugu, kangimullu ujaqperiviugallartoq, taavalu avannamut inuussutissarsiteqarfiulersusseq, maannali sanaartorfigineqanngitsooq killigalugu. Aamma mittarfeqarfiit mittarfiat tamaaniippoq, golfertarfik avannamut kangimut, sulilu avannamut kimmur.



#### Ilisarnaatinut nassuiaatit

Immikkoortup ilaa pioreersooq	Inissiaqarfik A	Nunaminertaq sanaartorfigeqqusaanngitsooq D
Immikkoortup ilaa nutaaq	Siliffeqarfeqarfik B	Teknikkikut atororissaarutit kiisalu attaveqaatitigut atororissaarutit E
Inissiat/illut pioreersut	Illoqarfiup qeqqa C	

*Pioreersunur killigitat immikkoortullu ilaa nutaaq titamernik aappaluttunik ilisarnaateqarput.*

Kommunimut pilersaarummut tapiliusseq, Kommuneqarfik Sermersuumut Kommunimut pilersaarummut 2028-mut ilaavoq taanna pingaarnertut

inuussutissarsiornermut siunertaqartunut atugassatut naatsorsuunneqarpoq, qulaani assi takuuk.

Kommunimut tapiliussaq una atorlugu immikkoortup ilaa nutaaq pilersinneqarpoq, immikkoortulli inuussutissarsiornermut siunertaqartumik atorneqarnissaa aalajangiusimaneqarluni.

## **1.2 SIUNERTAA TUNNGAVILU**

Kommunimut pilersaarummut tapiliussaq suliarineqarpoq tunisassiorfinnik pilersitsisoqarnissaa periarfissinniarlugu, sanaartorneqalersussanullu atugassanik nunaminertanik sullissimeqarfissanik immikkoortitsisoqarnissaa siunertarlugu.

Kommunimut pilersaarummut tapiliussami tunngaviit tassaapput:

- Immikkoortut ilaata inuussutissarsiornermut siunertaqartunut atorneqarnissaa aalajangiunneqassasoq
- Tunisassiorfinnik pilersitsisoqarnissaa periarfissinniarlugu
- Immikkoortoq, pioreersut avatangiisillu eqqarsaatigalugit aalajangiiffigineqassasoq
- Immikkoortup Pukuffimmiit aqquteqartinneqarnissaa qulakkeerneqassasoq, nunap assinga 3B4 innersuussutigalugu.

## **1.3 PISSUTSIT ATUUTTUT**

Immikkoortup ilaa 3,9 ha miss. annertussuseqarpoq, maniilakululaarluni, pinggortitaassutsimigulli portunngitsumik qattuneqarluni. Mittarfiup kangiani nuna manissumik pikkiliartorpoq kangimut mittarfiup tungaanut, (qatsissuseq 48 missaani) Pukuffiup tungaanut ingerlaqqilluni, qatsissutsimi 7-imi immikkoortup ilaani inissisimasumi. Immikkoortup ilaa sanaartorfiusimangilaq.

Immikkoortup inissisimaffia inuussutissarsiateqarfiup Pukuffiup eqqaani inissisimanini malunnaatigaa, tamassumalu annertusineqarnissaanut pissusissamisut isikkoqaannassalluni. Immikkoortup kujataani inuussutissarsiateqarfik alla pilersinneqassaaq (2C4-3), inuussutissarsiateqarfinnut pisortallu suliffeqarfiinut assigiinngitsunut immikkoortinneqartussaq, taakkununga ilanngullugu qatserutaasivissaq.

## **1.4 PILERSAARUMMI PINGAARNERIT**

Kommunimut pilersaarummut tapiliussami immikkoortup ilaata inuussutissarsiateqarfinnut atorneqarnissaa aalajangersarneqarpoq, tunisassiorfiit atortulersuutaat ilanngullugit biilinet uninngasarfittalerlugit, silami inaalitsiviit assigisaallu ilanngullugit.

Immikkoortumi nutaani tunisassiorfiliorfimmik, illuliassatut ikkussugassanik suliffeqarfissamik pilersitsisoqarnissaanut periarfissiisoqassaaq, nunaminertami 18.000 m<sup>2</sup> miss. angitigisumi 20 m-illu tikillugit portutigisumi. Tunisassiorfiit angisoorsuit Pukuffiup nalaani inuussutissarsiuteqarfinnut allanut pissusissamisoortumik inissisimaffeqassapput.

### **1.5 PILERSAARUMMUT TAPILIUSSAP INATSISITIGUT ATUUFFII**

#### **Inaarutaasumik inatsisitigut sunniutit**

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni.  
(*Pilersaarnermut inatsimmi § 29*)

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (*Pilersaarusiornermut inatsimmi § 30*)

Pisulli ilaanni aalajangersakkanit sukumiisunit nikingasoornerit annikinnerusunut immikkut ittumik akuersissuteqartoqarsinnaasarpog. Nikingasoornerit pingaarnerit aamma aalajangersakkanit pingaarnernit nikingasoornerit pissutigalugit nutaamik kommunimut pilersaarummut tapiliussaliortoqassaaq. (*Pilersaarusiornermut inatsimmi § 50*)

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummi ilaatinneqartut, pilersinneqassasut.


## 2 AALAJANGERSAKKAT

Matumuuna "Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiortarneq pillugu inatsit) kingusinnerusukkat allannguutitalik naapertorlugu aalajangersakkat tullinguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnertut pilersaarummi tunngaviusumik tunngaviupput taamaattumillu aalajangersakkanit taakkunanga immikkut ittumik akuersissuteqartoqarsinnaanngilaq.

### 2.1 PINGAARNERTUT AALAJANGERSAKKAT

MAANNA PINGAARNERTUT AALAJANGERSAKKAT	PINGAARNERTUT AALAJANGERSAKKAT NUTAAT
Immikkoortup ilaata killeqarfilersorneqarnera	
	
1. Siunertaq	
Inuussutissarsiornermut umiarsualiveqarnermullu siunertaq	<p><b>Nalinginnaasumik atuuffia:</b> B – Inuussutissarsiornermut umiarsualiveqarnermullu siunertaq</p> <p><b>Aalajangersimasumik atuuffia:</b> B1 - Inuussutissarsiornermut tunngassuteqartunut siunertaq.</p>

<b>2. Atorneqarnera</b>	
Immikkoortup inuussutissarsiutinut siunertarineqartut allaffeqarfinnut, sanaartugassanik suliakkerneqartartunut, quersuarnut, sanasunut, sannavinnut, nioqqutissionernut, uninngasuusivittut assartuinernullu kiisalu suliffissuarnut atorneqarnissaa aalajangiunneqassaaq.	Immikkoortup atorneqarnissaa inuussutissarsiuteqarfiussasoq aalajangersarneqarpoq, tamaani illuliassanik ikkussugassanik tunisassiofeqarnissaa katersuiffeqarnissaalu siunertaammat.
<b>3. Sanaartukkat</b>	
Immikkoortoq sanaartorfiusinnaangilaq. Immikkoortumili aqqusiortoqarsinnaavoq.	Sanaartornermi annerpaamik 20 m portussuserineqassaaq.
<b>4. Inissaqassuseq</b>	
Sumiiffik tamakkiisumik sanaartorfineqarsimavoq inissamik sinnerutsitsisoqarani.	Immikkoortup ilaa 3,9 ha-it missaannik annertussuseqarpoq. Immikkoortoq inissianut 18.000 m <sup>2</sup> -mut inissaqarpoq, illuliat inaarutaasumik ilusilersorneqarnerat apeqqutaatillugu. Matuma qulaani sanaartorfissat atorneqareerpata, immikkoortoq tamakkerluni sanaartorfineqareersutut sinneruttunillu inissaqartitsiffiunngitsutut isigineqalissaaq.
<b>5. Eriagisariaqartut</b>	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
<b>6. Nunaminertat piunasaqaatitaqarfiusut</b>	
Narlorissumik aammalu suluunnartut ilusilimmik mittarfiup tallilernerqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmi milernermi qangattalernermilu aporfeqanngitsumut ilaalluni inissisimavoq. Inissianut, sanaartukkanut aqqusinniornissamullu portussutsit portunerpaaffigisassaata assigiinngiiaarput, mittarfimmiillu ungasissuseq aamma qeqqani titarnermut teqqorissumik ungasissuseqarnera aallaaviussaaq.	Narlorissumik aammalu suluunnartut ilusilimmik mittarfiup tallilernerqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmi milernermi qangattalernermilu aporfeqanngitsumut ilaalluni inissisimavoq. Inissianut, sanaartukkanut aqqusinniornissamullu portussutsit portunerpaaffigisassaata assigiinngiiaarput, mittarfimmiillu ungasissuseq aamma qeqqani titarnermut teqqorissumik ungasissuseqarnera aallaaviussaaq.
<b>7. Aqqusinertigut angallaneq teknikkikkullu pilersuinerit</b>	
Immikkoortoq Siaqqinnermit aamma Borgmester Anniitap Aqqusernganit aqquteqassaaq.	Immikkoortoq Pukuffik atuarlugu aqqusineqartinneqassaaq.



<b>8. Illoqarfimmik nutarterineq</b>	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
<b>9. Immikkoortukkuutaat</b>	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>

## 2.2 AALAJANGERSAKKAT SUKUMIISUT

Immikkoortoq immikkuualuttumut ataatsimut agguarneqassaaq, assitut ilanngussami takutinneqartutut. Immikkuualuttumut nutaamut, aalajangersakkanik sukumiisunik nutaanik aalajangiisoqassaaq.

Aalajangersakkat sukumiisut assigiinngiiaartunut tunngapput, ilaatigut sanaartornermut nunaminertanullu sanaartorfiunngitsunut tunngassuteqarluni. Immikkut pisoqartillugu, aalajangersakkanik sukumiisunit immikkut akuersissuteqartoqarsinnaavoq.

<b>Immikkuualuttoq 1</b>
<b>1. Inissialiat inissinneqarnerat</b>
<b>Imm. 1:</b> Sanaartukkat inissialiallu nutaat assimi ilanngussami sanaartorfittut takutinneqartutut inissinneqassapput.
<b>Imm. 2:</b> Nutaamik sanaartugaq annerpaamik 20 meterinik portussuseqarsinnaavoq: Teknikkikkut ikkussugassat soorlu silaannarissarfiit, elevatorit assigisaallu portussusissamut killiliinermut ilaanngillat.
<b>2. Inissialiat isikkui</b>
<b>Imm. 1:</b> Sanaartukkat nutaat avatangiisit eqqarsaatigalugit ilusilersorneqassapput aamma atorineqassapput.
<b>Imm. 2:</b> Sanaartugassaq nutaaq atortussat uku taaneqartut atorlugit sanaartorneqassaaq: Qisuk, savimineq, ujaqqat, betonni, eternit imaluunniit pladitut atortut. Illutaata silataanut mikinerusunut igalaat atorineqarsinnaapput. Inissiat silataat asingasumik qalipaateqassaaq, qinngorfigineqarnerminnilu qaamanermik utersaartitsisartuussanatik.
<b>Imm. 3:</b> Seqernup qinngorneranik katersisunik assigisaannillu silataani iigartai qaliaaluunniit pilersorneqarsinnaapput, taamaaliortoqassaarluni aatsaat qinngornernik utertitsisinnaasuunngippata.
<b>Imm. 4:</b> Sanaartukkat nutaat qaliaasa ilusilersorneqarneri illuttut sivingasuussapput (sivingassusai annerpaamik 45 gradit).
<b>Imm. 5:</b> Qaliai taartunik qallersorneqassapput. Qaliai igalaaqassappata assigisaannilluunniit, qaliaata inissisimanerinit naleqquttuussapput.
<b>Imm. 6:</b> Sumiiffimmi ingerlatsinermut pisariaqartinneqarsinnaasunik allagartaliisoqarsinnaavoq. Allagartat sumiiffimmi atuuffiit avatangiisillu eqqarsaatigalugit inissinneqarlutillu ilusilersorneqassapput.
<b>3. Aqquserngit aqqusineeqqallu</b>
<b>Imm. 1:</b> Aqqusernit Siaqqinnermit aamma Pukuffimmiit aqquteqassapput, assi ilanngussaq 3B4 tunngaviusoq takuuk.
<b>Imm. 2:</b> Immikkoortumi kommunimut pilersaarummi aalajangersakkat nalinginnaasut naapertorlugit biilinut inissiisarfiliortoqassaaq. Suliffissuarnik sannavinnillu sanaartornermi: 50 m <sup>2</sup> -ikkaarlugit biilinut

<p>inissiivik ataaseq.</p> <p>Ataatsimut biilnut unittarfiliornermut tunngatillugu elbiilnut immiisarfissanik nappaasoqarnissaa periarfissaqassaaq.</p> <p><b>Imm. 3:</b> Aqqusernit aalajangersimasunik titarnilersugaapput (immikkut ittumik killeqarfiliussat), inissialiorfiusut sanaartorfiillu aqquserngup qeqqaniit 7,5 meterinik Pukuffiup tungaanut immikkoortullu ilaani aqqusinernut qaninnerusumik inissinneqassanngimmata.</p>
<p><b>4. Nunaminertat sanaartorfigineqanngitsut sunngiffimmilu atortulersuutit</b></p>
<p><i>Immikkut ittunik aalajangersagaqanngilaq</i></p>
<p><b>5. Teknikkimut atortulersuutit</b></p>
<p><b>Imm. 1:</b> Inissialiat nutaat pisortat innaallagissamut imermullu aqquataaannut aamma kuuffissuaataannut attavilerneqassapput.</p> <p><b>Imm. 2:</b> Imikoq qasertoq qernertorlu tamarmik kuuffissuakkut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusinernut, aqqusineqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.</p> <p><b>Imm. 3:</b> Pilersuineranut aqquutit tamarmik nunap iluatigoortinneqassapput. Ledninginik inuup allap allanngortiterisinaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq.</p> <p><b>Imm. 4:</b> Immikkoortup ilaanut teknikkikkut atortulersuutit soorlu transformaatoriisiviit assigisaallu immikkoortup ilaanut pilersuineranut atortut inissinneqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq siunersiorlugu aamma atortut takussunarsaatinnagit inissinneqassapput.</p>
<p><b>6. Nunaminertat sanaartorfigineqanngitsut</b></p>
<p><b>Imm. 1:</b> Illuliat nutaat sapinngisamik nuna allanngortinnagu naleqqussarneqassapput. Teknikkikkut imminut illersorsinnaasumik illuliornissaq eqqarsaatigalugu pisariaqartitsineq taamaallaat naapertorlugu nunamik allannguisoqassaaq.</p> <p><b>Imm. 2:</b> Assimi ilanngussami takutinneqartutut sanaartorfinni nunaminertanilu aqqusinernut, biilnut inissiisarfinnut assigisaannullu atornerqartuni pisariaqartinneqartumik nunagissaasoqarsinnaavoq.</p> <p><b>Imm. 3:</b> Immikkoortup ilaani naasooreersut sapinngisamik paariinnarneqassapput aammalu ajornanngippat inaalinneqassallutik, taamaalillutik sanaartortoqareerpat ilusaattut ilerseqqinneqarsinnaaniassammata.</p> <p><b>Imm. 4:</b> Immikkoortup ilaa qartiternerlukunik qartiterinermi assartuinermiluunniit siammarsimasinnaasunik salinneqassaaq.</p> <p><b>Imm. 5:</b> Nunaminertat sanaartorfigineqanngitsut saligaatsuutinneqassapput eqqiluutsuutinneqarlutillu. Silami inaalitsisoqassanngilaq.</p>
<p><b>7. Eriagisassaq</b></p>
<p><i>Immikkut ittunik aalajangersagaqanngilaq</i></p>
<p><b>8. Pinngortitap illersorneqarnissaanik soqutiginninnerit</b></p>
<p><i>Immikkut ittunik aalajangersagaqanngilaq</i></p>

<b>9. Nunaleraluni nunamik atuinissamik soqutiginninnerit</b>
<i>Immikkut ittunik aalajangersagaqanngilaq</i>
<b>10. Ataatsimut atortulersuutit</b>
<b>Imm. 1:</b> Immikkoortumi 3.2-mi biilnut inissiisarfilornissat pillugit aalajangersakkat takukkit.
<b>11. Piginnittut peqatigiiffii</b>
<b>Imm. 1:</b> Immikkoortup ilaani illut pillugit ataatsimut soqutigisanik isumaginnittussamik piginnittut peqatigiiffiannik pilersitsisoqassaaq. Illuutillit, namminersorlutik inuussutissarsiutillit illuutaat immikkoortullu ilaani atuuffiit allat ilaasortaasussaataapput (aamma piginneqatigiilluni inissiaatileqatigiit).
<b>Imm. 2:</b> Peqatigiiffiup aqquuserngit, aqqusineqqat sanaartorfiunngitsullu isumagissavaat - tassunga atatillugu aamma ukiuunerani aserfallatsaaliinissaq - immikkoortumi sanaartorfiusumut attuumassutillit.
<b>Imm. 3:</b> Peqatigiiffik kingusinnerpaamik pilersinneqassaaq sanaartorfimmi siulliulluni naammassineqartumi illulianik nutaanik naammassinninnerni atuilernernilu
<b>Imm. 4:</b> Peqatigiiffimmit sumi najugaqarneq ataavartumik Kommuneqarfik Sermersuumut nalunaarutigineqartassaaq.
<b>12. Avatangiisinik mingutsitsinermi killissarititaasut</b>
<b>Imm. 1:</b> Immikkoortumi suliffeqarfik immikkut akuerisaalluni mingutsitsisinnaavoq. Namminersornerullutik Oqartussat nalunaarutaat nr. 11, 20. august 2004-meersoq Suliffeqarfiit mingutsitsivallaartut il.il. avatangiisinut tunngatillugu akuersissuteqarfigineqartarneranni (Kapitali 5-suliffeqarfiit) naapertorlugu suliffeqarfik immikkut akuerisaalluni avatangiisinut tunngatillugu qinnuteqarsinnaavoq.
<b>Imm. 2:</b> Inuussutissarsiutigalugu suliffeqarfinnut allanut, putsumik, nipiliornermik, pujoralammik tipiliornermillu akornuteqarnerit killilersimaarniarlugit aalajangersaasoqassaaq.
<b>Imm. 3:</b> Uumassusilinnit atortut atortullu nalinginnaasut mingutsitsisinnaanngitsut kisimik nunniornermut atorneqarsinnaapput. Immiissutissaq assersuutigalugu betonimik akoqarpat, oqartussaasunut attuumassuteqartunut akuersissummik piniartoqassaaq.
<b>Imm. 4:</b> Immikkoortup ilaani eqqaavinnut eqqakkanut atugassanik inissiiffissanik nunaminertanik inniminniisoqassaaq.
<b>13. Illut nukissiuutinik atuinikitsut</b>
<i>Immikkut ittunik aalajangersagaqanngilaq</i>
<b>14. Atuinissamut piunasaqaatit</b>
<b>Imm. 1:</b> Imatut pisoqaqqaartinnagu illuliat nutaat iserterfigineqassanngillat: <ul style="list-style-type: none"> <li>• immikkoortoq 3 naapertorlugu biilnut inissiisarfeqalerpat.</li> <li>• pisortat pilersuutaannut attavilernerit pereerpata.</li> <li>• inaarutaasumik nunagissaanerit naammassineqarpat.</li> </ul> Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.


### 3 AKUERSINERMUT UPPERNARSAAT

Kommunit pilersaarummut tapiliussa q una 3B4-1 Pukuffiup eqqaani inuussutissasiuteqarfik, Nuuk, matumuuna Kommuneqarfik Sermersuup Kommunalbestyrelsanit akuersissutigineqarpoq ulloq 20.02.2018

Kommuneqarfik Sermersooq ulloq 13-2018




Aasi Chemnitz Narup  
Borgmesteri



Lars Møller Sørensen  
Kommunaldirektøri

Ulloq 14.03.2018 inaarutaasumik atuutilersutut tamanut nalunaarutigineqarpoq.



KOMMUNEQARFIK SERMERSOOQ  
Sanarfinermut Avatangisinnullu Ingerlatsivik  
Forvaltning for Anlæg og Miljø

Kommunimut pilersaarummut tapiliusaaq 3B4-I  
Kommuneplantillæg 3B4-I

Ilanngussaq I, Immikkoortoq 3B4  
Bilag I, Delområde 3B4  
Februaari 2018 / Februar 2018  
Uutuut I: 2000 / Mål I: 2000  
A4